

ESTATUTOS DA ASOCIACIÓN PRO MEDIACIÓN EN GALICIA

APROMEGA

CAPÍTULO I DA ASOCIACIÓN EN XERAL

Artigo 1º.- 1.- Constitúese unha asociación sen ánimo de lucro das previstas na Lei orgánica 1/2002, do 22 de marzo, reguladora do dereito de asociación. A asociación ten a seguinte denominación¹ “ASOCIACIÓN ASISTENCIAL PRO MEDIACIÓN EN GALICIA APROMEGA”
2.- A asociación rexerese polos ditos estatutos, pola Lei orgánica 1/2002, do 22 de marzo e pola demais lexislación existente en materia de asociacións que lle sexa aplicable.

Artigo 2º.- O domicilio principal e permanente da asociación radicará na localidade de Allariz rúa Vilaboa, 70 32667 teléfono 678419725 // 988230621, correo electrónico info@apromega.org

Artigo 3º.- A asociación, en funcións dos seus fins e do emprazamento do seu domicilio social, exercerá fundamentalmente as súas actividades no ámbito territorial da Comunidade Autónoma de Galicia.

Artigo 4º.- 1.-A asociación constitúese por tempo indefinido e só se disolverá, conforme a estes estatutos, pola vontade dos asociados expresada en Asemblea Xeral Extraordinaria ou polas causas previstas na lexislación vixente.
2.- A asociación rexerese segundo os principios democráticos contidos no marco da Constitución e no resto do ordenamento xurídico.

Artigo 5º.- 1.- Son fins principais da asociación:

- a.- A promoción da mediación e resolución alternativa de conflitos a nivel autonómico en todos os seus campos (entre outras mediación familiar, penal, laboral, escolar, comunitaria, intercultural, sanitaria ou empresarial)
- b.- Favorecer a investigación-acción e/ou investigación teórica sobre a resolución alternativa de conflitos
- c.- Favorecer o desenvolvemento da investigación e intervención en mediación

2.- Para levar a cabo os seus fins, poderá a asociación organiza-las seguintes actividades:

- a.- Prestación de servizos de mediación en todos os campos mencionados anteriormente así como os que puideran existir nun futuro
- b.- Formación en mediación en todos os campos nos mesmos termos que no apartado anterior
- c.- Difusión, divulgación e participación na fixación de políticas e criterios de formación e exercicio profesional da mediación en calquera das áreas xa sinaladas
- d.- Asesoramento a institucións públicas ou privadas para o deseño de programas de intervención e investigación en calquera das áreas xa sinaladas
- e.- Formación de formadores nas áreas antes sinaladas
- f.- Supervisión das actividades e dos profesionais cas fagan, e que sexan propias dos obxectivos da Asociación e/ou calquera outra institución que o solicitase

Os beneficios que se obteñan por calquera concepto destinaranse exclusivamente ó cumprimento destes fins, sen que se poidan repartir entre os asociados nin outras persoas físicas ou xurídicas con interese lucrativo.

CAPÍTULO II DOS ASOCIADOS

Artigo 6º.

1- Poderán ser integrantes da asociación todas aquelas persoas físicas, con plena capacidade de obrar e as persoas xurídicas tralo acordo do seu órgano competente, que non teñan débedas pendentes coa asociación e que reúnan os seguintes requisitos:

- a. Presentar a solicitude de admisión
- b. Titulado universitario
- c. Formación en mediación de polo menos 250 horas
- d. Acreditación de polo menos 40 horas de prácticas en mediación

(este último requisito poderá ser dispensado a solicitude do interesado e por decisión unánime da Xunta Directiva, cando por razóns de interese da Asociación aconsélleno)

3.-Os acordos de admisión de asociados e asociadas tomaraos a Xunta Directiva, unha vez recibida a petición por escrito da persoa que desexa ser admitida.

Artigo 7º.- Dentro da asociación poderán existi-las seguintes clases de asociados:

- a) Fundadores, aquelas persoas que subscribiron a acta fundacional.

- b) Numerarios, aquelas persoas que ingresaron con posterioridade á subscripción da acta fundacional, e reúnan os requisitos establecidos no artigo anterior.
- c) Honorarios, aquelas persoas que, a xuízo da Asemblea Xeral, axuden de xeito notable ó desenvolvemento dos fins da asociación. O nomeamento corresponderá á Xunta Directiva por unanimidade

Artigo 8º.

1.-A condición de asociado pérdese:

- 1. Por vontade propia.
- 2. Por falta de pago das obrigacións periódicas dun ano.
- 3. Por incumprimento das súas obrigas ou a realización de accións que prexudiquen gravemente ós intereses da Asociación, previo expediente disciplinario, con audiencia do interesado.
- 4. Por falecemento da persoa física ou extinción da persoa xurídica.

2.-A expulsión de asociados e asociadas nos supostos dos apartados b) e c) do parágrafo anterior, será acordada pola Xunta Directiva, logo da audiencia do interesado. O acordo de expulsión deberá ser ratificado pola Asemblea Xeral Extraordinaria e contra a súa resolución poderase recorrer ante a xurisdición ordinaria.

Artigo 9º.- Os asociados e asociadas teñen os seguintes dereitos:

- 1. Tomar parte en cantas actividades organice a asociación en cumprimento dos seus fins
- 2. Participar nas asembleas con voz e voto
- 3. Ser electores e elixibles para os cargos directivos
- 4. Recibir información sobre os acordos adoptados por os órganos da asociación
- 5. Facer suxestións aos membros da Xunta Directiva en orden ao mellor cumprimento dos fins da asociación
- 6. Enderezo electrónico gratuíto composto por: nome.apelidos@apromega.org
- 7. Descontos nas formacións nas que participe a asociación.
- 8. Descontos na Supervisión profesional
- 9. Ter unha acreditación de calidade no seu facer profesional acreditando estar en supervisión continua, cun profesional ou entidade recoñecida pola asociación, do seu traballo en Mediación.

Os asociados e asociadas honorarios non intervirán na dirección da asociación nin nos órganos de representación dela. Os asociados e asociadas honorarios están facultados para asistir ás asembleas xerais con voz, pero sen voto.

Artigo 10º.- Son obrigas dos asociados e asociadas:

1. Paga-las cotas que se establezan.
2. Desempeña-los cargos para os que foron elixidos.
3. Acatar e cumpri-los acordos validamente adoptados polos órganos de goberno e representación da Asociación.
4. Acata-lo contido dos estatutos.
5. Contribuír co seu comportamento ao bo nome e prestixio da Asociación

CAPÍTULO III DOS ÓRGANOS DA ASOCIACIÓN

Artigo 11º.- A dirección e administración da asociación serán exercidas pola Xunta Directiva formada por un número non inferior a 4 membros. Estará integrada por un/a presidente/a, un/a secretario/a, un/a tesoureiro/a e un/a vocal. Todos os cargos que compoñen a Xunta Directiva serán gratuítos y serán designados pola Asemblea Xeral Extraordinaria e o seu mandato terá unha duración de tres anos e poderán ser reelixidos indefinidamente. A Xunta Directiva poderá modificar a súa composición a decisión da Asemblea Xeral Extraordinaria.

Artigo 12º.- As funcións dos cargos da Xunta Directiva son:

1.- O presidente terá as seguintes atribucións:

- a) Representa-la asociación perante calquera organismo público ou privado.
- b) Convocar e presidi-las sesións que celebre a Xunta Directiva; presidi-las sesións da Asemblea Xeral; dirixi-las deliberacións dunha e outra, e decidir con voto de calidade, no caso de empate.
- c) Executa-los acordos adoptados pola Xunta Directiva e a Asemblea Xeral.
- d) Ordena-los pagamentos acordados validamente.
- e) Asina-las actas, certificados, pagamentos e outros documentos da asociación xunto co secretario ou membro da Xunta Directiva a quen lle corresponda a elaboración do documento de que se trate.
- f) Adoptar calquera medida urxente que a boa marcha da Asociación aconselle ou no desenvolvemento das súas actividades resulte necesaria ou convinte, sen prexuízo de dar conta posteriormente a Xunta Directiva.

Nos casos de ausencia, vacante ou enfermidade do Presidente este designará a quen o substitúa de entre a Xunta Directiva

2.- O secretario recibirá e tramitará as solicitudes de ingreso, levará o ficheiro e o libro rexistro de asociados e terá ó seu cargo a dirección dos traballos administrativos da

entidade. Correspóndelle, así mesmo, notifica-las convocatorias, custodia-las actas e expedir certificacións destas co visto e prace do presidente. O secretario tamén levará o inventario dos bens da asociación nun libro establecido para este efecto.

Nos casos de ausencia, vacante ou enfermidade do secretario, o presidente designará entre os vocais a un que desenvolva esta función.

3.- O tesoureiro recadará e custodiará os fondos pertencentes á asociación, dará cumprimento ás ordes de pagamento que expida o presidente, levará a contabilidade da asociación, tomará razón e levará conta dos ingresos e dos gastos asociativos, elaborará o borrador de orzamentos da asociación así como as contas de resultados e balances.

O tesoureiro ten a obriga de proceder ó peche do exercicio orzamentario antes do 31 de decembro, co fin de que as contas estean a disposición dos membros da asociación nos quince días anteriores á celebración da asemblea ordinaria.

4.- Os vocais terán as obrigas propias do seu cargo como membros da Xunta Directiva así como as que xurdan das delegacións ou comisións de traballo ca propia Xunta lles asignen.

Artigo 13º.- Os cargos cesarán na súa función por:

a) falecemento da persoa física ou extinción da persoa xurídica.

b) renuncia voluntaria.

c) transcurso do prazo para o que foron elixidos.

d) acordo de cesamento do cargo adoptado por **2/3** dos asociados reunidos en Asemblea Xeral extraordinaria convocada para tal efecto.

d) acordo de cesamento de toda a Xunta Directiva adoptado por **2/3** dos asociados reunidos en Asemblea Xeral extraordinaria convocada para tal efecto.

A renuncia e o transcurso do prazo non dan lugar ó cesamento automático, senón que se deberá facer un efectivo traspaso de poderes con entrega de documentación e posta ó día do sucesor.

As vacantes que se puideran producir durante o mandato de calquera dos membros da Xunta Directiva, serán cubertas provisoriamente entre os ditos membros ata a elección definitiva pola Asemblea Xeral. En calquera caso, a Xunta Directiva debe estar integrada como mínimo por 3 persoas, que exercerán as funcións de presidente, secretario e tesoureiro.

Artigo 14º.- A Xunta Directiva terá as seguintes atribucións:

1. Programar e dirixi-las actividades asociativas.

2. Leva-la xestión administrativa e económica da asociación.

3. Someter á aprobación da Asemblea Xeral o orzamento anual de ingresos e gastos, así como o estado de contas do ano anterior.
4. Convocar e fixa-la data da Asemblea Xeral.
5. Propoñerlle á Asemblea Xeral a fixación de cotas ordinarias e extraordinarias para os asociados.
6. Designa-las comisións de traballo ou seccións que se estimen oportunas para o bo funcionamento da asociación.
7. Ditar normas interiores de organización e exercer cantas funcións non estean expresamente asignadas á Asemblea Xeral.
8. Xestionar as solicitudes de ingreso de novos asociados.
9. Propoñe-lo plan de actividades da asociación á Asemblea Xeral para a súa aprobación, impulsando e dirixindo as súas tarefas.
10. Resolve-los procedementos disciplinarios que se instrúan.
11. Aquelas que non veñan atribuídas expresamente á outro órgano da asociación.

Artigo 15º.

1.- A Xunta Directiva será convocada polo presidente, a iniciativa propia ou a petición de calquera dos seus compoñentes.

2.- Para que os acordos da Xunta Directiva sexan válidos, deberán ser adoptados pola maioría simple de votos dos asistentes, sendo necesaria a concorrencia, polo menos, da metade máis un dos seus membros e, en todo caso, do presidente ou vicepresidente e o secretario ou persoa que o substitúa.

O secretario ou, no seu defecto, o vocal que o substitúa, levantará acta das sesións, que se transcribirá ó libro de actas.

Artigo 16º.- Os membros da Xunta Directiva presidirán as comisións que a propia Xunta acorde constituír, co fin de delegar nelas a preparación de determinados actos ou actividades, ou de acadar delas as informacións necesarias. Formarán parte das ditas comisións o número de asociados que acorde a Xunta Directiva, a proposta dos seus respectivos presidentes.

Artigo 17º.- A **Asemblea Xeral** de asociados e asociadas é o órgano supremo da asociación e estará composta por todos os socios das categorías referidas nos incisos a) e b) do artigo 7 dos presente estatutos con voz e voto e soamente con voz os contemplados no inciso c) do mencionado artigo. Calquera socio poderá estar presente por representación doutro socio mediante autorización por escrito.

O presidente e o secretario da asemblea serán o presidente e o secretario da Xunta Directiva.

Artigo 18º.- A Asemblea Xeral reunirase con carácter ordinario como mínimo unha vez ó ano, e con carácter extraordinario cantas veces o acorde a Xunta Directiva, a xuízo do Presidente ou o soliciten os 2/3 dos socios con voz e voto. Neste último caso realizarase por medio de escrito dirixido ó presidente, autorizado coas sinaturas dos solicitantes, no que se expoña o motivo da convocatoria e a orde do día.

Artigo 19º.- A Asemblea Xeral Ordinaria reunirase necesariamente no período que vai desde o mes de xaneiro ata o de marzo. Tanto a Asemblea Ordinaria como a Extraordinaria serán convocadas con 15 días de antelación polo/a presidente/a da Xunta Directiva.

A notificación farase nos locais da asociación, no domicilio dos asociados e/ou por e-mail a cada un dos asociados para as asembleas ordinarias. No domicilio dos asociados ou e-mail para as asembleas extraordinarias.

Artigo 20º.- Serán competencias da Asemblea Xeral Ordinaria:

1. Aproba-lo plan de actividades.
2. Examinar e aproba-las contas e balances do exercicio anterior.
3. Aproba-los presupostos de ingresos e gastos para cada exercicio.
4. Exame e aprobación das cotas.
5. Aprobar ou rexeitar a inscrición de novos socios

Artigo 21º.- Serán competencias da Asemblea Xeral Extraordinaria:

1. Modifica-los estatutos da asociación.
2. Elixir e cesa-los integrantes da Xunta Directiva.
3. Aproba-la federación con outras asociacións.
4. Autoriza-lo alleamento, gravame ou hipoteca de bens sociais.
5. Acorda-la disolución da asociación.
6. Designa-los/as liquidadores/as.
7. Ratifica-la expulsión de asociados e asociadas a proposta da Xunta Directiva.
8. Solicita-la declaración de utilidade pública da asociación.
9. Aproba-lo regulamento de réxime interno da asociación.
10. As que sendo de competencia da asemblea ordinaria, por razóns de urxencia ou necesidade, non poidan agarda-la súa convocatoria, sen grave prexuízo para a asociación.

11. Tódalas non conferidas expresamente á Asemblea Xeral Ordinaria ou a Xunta Directiva.

Artigo 22º. A Asemblea Xeral quedará validamente constituída sempre que concorran a metade máis un dos asociados con dereito a voto na primeira convocatoria ou transcorrida media hora en segunda convocatoria, con calquera número de asistentes con dereito a voto, pero, en todo caso, coa presenza do presidente ou vicepresidente e o secretario ou persoa que o substitúa.

Artigo 23º.- Os acordos adoptados deberán selo polo voto afirmativo da maioría simple dos asistentes ou representados, excepto os relativos ós apartados do 1 ó 7 do artigo 21º, que requirirán maioría de dous terzos. A continuación levaranse os acordos ó libro de actas e asinarao o/a presidente/a, o/a secretario/a da Asemblea. A acta deberá ser lida na seguinte sesión celebrada pola Asemblea Xeral e aprobada pola maioría dos membros presentes.

Artigo 24º.- Os acordos adoptados conforme ós preceptos anteriores obrigarán a tódolos/as asociados/as, incluso ós/ás non asistentes.

As sesións abriranse cando así o determine o presidente. Seguidamente procederase por parte do secretario á lectura da acta da asemblea anterior que deberá ser aprobada. Posteriormente, o secretario procederá a presenta-la orde do día. Cada punto será informado polo membro da Xunta Directiva que lle corresponda, procedéndose ó debate e a aprobación dos correspondentes acordos nos termos contidos nestes estatutos, segundo a materia de que se trate.

Artigo 25º.- Os acordos que vaian contra estes estatutos ou infrinxan os fins da asociación poderán ser recorridos en reposición diante da Asemblea Xeral. A partir da resolución do recurso de reposición, quedará expedita a vía para recorrer perante a xurisdición ordinaria.

CAPÍTULO IV RÉXIME ECONÓMICO

Artigo 26º.- A asociación no momento da súa constitución carece de patrimonio inicial

Artigo 27º.- A asociación manterase dos seguintes recursos:

1. As cotas periódicas dos/as asociados/as.
2. As cotas extraordinarias que propoña a Xunta Directiva e sexan aprobadas pola asemblea.

3. As doazóns ou subvencións que poidan conceder órganos públicos, entidades privadas ou particulares.
4. Os ingresos que se poidan recibir polo desenvolvemento das actividades da asociación.
5. Calquera outro ingreso admitido pola normativa vixente para actividades non lucrativas.

Artigo 28º.- O exercicio asociativo e económico será anual e o seu peche terá lugar o 31 de decembro de cada ano.

Artigo 29º.- A Asemblea Xeral Ordinaria, a proposta da Xunta Directiva, aprobará tanto as cotas ordinarias como as extraordinarias que non serán reintegrables en ningún caso. O recadado dedicarase a atende-las necesidades da asociación.

Artigo 30º.- Anualmente, con referencia ó último día do exercicio económico de cada ano, elaboraranse as contas, que se formalizarán nunha memoria, que será posta a disposición dos/as asociados/as, durante un prazo non inferior a 15 días ó sinalado para a celebración da Asemblea Xeral Ordinaria, que deberá aprobalas ou censuralas.

Artigo 31º.- Para a disposición de fondos das contas que a asociación ten nas entidades bancarias será necesaria a sinatura única do presidente ou do tesoureiro.

Artigo 32º.- Como entidade sen ánimo de lucro, en ningún caso poderán ser distribuídos entre os/as asociados/as os recursos obtidos pola asociación.

CAPÍTULO V DO REGULAMENTO DE RÉXIME INTERNO

Artigo 33º.- Os conflitos que xurdan no seno da Asociación se resolverán en primeira instancia, a través da participación das partes nunha asociación. Dita participación será voluntaria. O mediador será designado polas partes e a falla de acordo polo Presidente si este non fora parte do conflito, o polo socio de máis antigüidade que non sexa membro da Xunta Directiva. As sesións de mediación serán confidenciais e rexeranse polas pautas que estableza o mediador.

A falla de acordo na mediación ou por non facerse a mesma por vontade de calquera das partes en conflito, se activarán os mecanismos previstos no seguinte artigo.

Artigo 34º.- Cando os socios estean incurso nalguna das causas de sanción por incumprimento das súas obrigas previstas no artigo 10 destes Estatutos, ou as súas atribucións propias, abríase procedemento disciplinario con audiencia dos interesados, garantindo o dereito á defensa e a comunicación dos feitos que motivan o procedemento, así como os recursos que poderán exercer conforme o Regulamento de Réxime Interno. Sempre se garantirán a apelación final á Asemblea.

O regulamento de réxime interno, no seu caso, desenvolverá aquelas materias non contempladas directamente nestes estatutos, como o procedemento de elección dos membros da Xunta Directiva e o procedemento disciplinario, e non pode ir en ningún caso en contra do estipulado neles. En todo caso, o funcionamento interno da asociación estará sometido ó ordenamento xurisdicional civil.

CAPÍTULO VI MODIFICACIÓN DE ESTATUTOS E DISOLUCIÓN DA ASOCIACIÓN

Artigo 35º.- Os ditos estatutos só poderán ser modificados por acordo da Asemblea Xeral Extraordinaria convocada para tal efecto, adoptado polas 2/3 partes dos asociados. A proposta de convocatoria deberá ir acompañada do texto das modificacións propostas.

Artigo 36º.- A asociación disolverase voluntariamente por acordo dos asociados adoptado polas 2/3 partes dos asistentes á Asemblea Xeral Extraordinaria convocada para tal efecto.

Artigo 37º.- Acordada a disolución, a Asemblea Xeral Extraordinaria designará tres asociados/as liquidadores, que xunto o/a presidente e o/a tesoureiro/a, procederán para efectuar a liquidación dos bens, pagando débedas, cobrando créditos e fixando o haber líquido resultante.

Artigo 38º.- O haber resultante, unha vez efectuada a liquidación, doarase a outra asociación non lucrativa e inscrita na comunidade autónoma que teña iguais ou similares fins que os desta asociación.

O xustificante da doazón será presentado no Rexistro de Asociacións correspondente para proceder á inscrición da disolución da asociación.